

D. caule monophyllo; folio elliptico, acutiusculo; pedunculis solitariis aut ternis, uni- aut bifloris; foliolis calycinis exterioribus oblongo-lanceolatis, acuminato-filiformibus.

*Crescit in arboribus prope Loxam Peruvianorum. ꝛ Floret Julio.*

HERBA minuta, parasitica. RADICES simplices, teretes, albidæ. CAULES simplices, sulcati, glabri, vaginati, apice monophylli, subsemipollicares. FOLIUM ellipticum, acutiusculum, basi vix angustatum, coriaceum, nervoso-striatum, tres lineas longum. PEDUNCULI terminales, solitarii, gemini aut terni, uni- aut biflori, folio duplo longiores, glabri. FLORES pedunculati, basi spathellati, duas lineas longi. CALYX exsiccatus flavescens, glaber; foliola tria exteriora oblongo-lanceolata, apice acuminato-filiformia, subæqualia, conniventia; superius latius, concavum, liberum; lateralia plana, basi cum ungue labelli connata?; duo interiora oblonga, exterioribus triplo breviora, plana; labellum oblongum, subunguiculatum?, foliolis interioribus paullo longius. GYNOSTEMUM subadscendens, canaliculatum, foliolis calycinis interioribus brevius. ANTHERA terminalis. POLLINIS massæ duæ?, flavæ. OVARIUM glabrum. CAPSULA oblonga, glabra, calyce persistente, marcido coronata.

Floris structuram ob parvitatem ejus et paucitatem speciminum prorsus explorare non potui. Planta igitur viva inspicienda est, num foliola calycina basi inter se connata sint, ipsaque rectius ad Masdevallia genus referenda.